

玉函山房輯佚書

論語樂氏釋疑一卷晉樂羣撰羣於晉書無傳陸德明經典釋文序錄云字永初太山人晉太保掾尚書郎皇侃義疏列江熙所集十三家有樂羣字及里閭與釋文敘述同隋書經籍志載論語釋疑十卷又云梁有論語駁序二卷亡唐書藝文志稱論語釋疑十卷駁二卷陸氏釋文亦云釋義十卷今已佚亡就皇疏及裴咽史記集解所引尚輯得一十六節其說君子無所爭瑯璣也子路請禱三條辯論鋒起亦似駁序之文然書無明証不能區分茲統據隋志存目題

曰釋疑加樂氏者以別於王弼至如文莫一節引者
顯稱樂氏駁附注下方易於循覽云歷城馬國翰竹
吾甫

論語樂氏釋疑

晉 樂肇 撰

八佾第三

子曰君子無所爭必也射乎揖讓而升下而欲其爭也君子

君子於射講藝明訓考德觀賢繁揖讓以成禮崇五善以興教故曰君子無所爭必也射乎言於射尤必君子之無爭周官所謂陽禮教讓則民不爭者也君子於禮所主在重所略在輕若升降揖讓

於射則爭是爲輕在可讓而重在可爭豈所謂禮
敬之道哉且爭無益於勝功者也求勝在已理之
常也雖心在中質不可謂爭矣故射儀曰矢諸正
齒還求諸身求中以辭養不爲爭勝以耻人也又
曰射仁道也發而不中不怨勝已者反求諸已而
已因稱此言以證無爭焉誠以爭名施於小人讓
分定於君子也今說者云必於射而後有爭此爲
反論文背周官違禮記而後有爭之言得通考諸
經傳則無爭之證益明矣

皇侃
義疏

王孫賈問曰與其媚於奧寧媚於竈何謂也子曰不然獲罪於天無所禱也

奧尊而無事竈卑而有求周室衰弱權在諸侯賈自周出仕衛故託世俗自解於孔子孔子曰獲罪於天無所禱者明天神無上王尊無二言當事尊卑不足媚也

同上

里仁第四

子曰朝聞道夕死可矣

道所以濟民聖人存身爲行道也濟民以道非以

濟身也故云誠令道朝聞於世雖久死可也傷道不行且明已憂世不爲身也同上

公冶長第五

子貢問曰賜也何如子曰汝器也曰何器也曰瑚璉也

苞氏曰瑚璉黍稷器也夏曰瑚商曰璉周曰簠簋未詳也然夏殷各一名而其形未測及周則兩名其各異外方內圓曰簠內方外圓曰簋俱容一斗二升以簠盛黍稷以簋盛稻粱或問曰子貢用人

孔子何不云汝是簠簋而遠舉夏殷器也或通者
曰夫子近捨當時而遠稱二代者亦微有旨焉謂
湯武聖德伊呂賢才聖德則與孔子不殊賢才與
顏閔豈異而湯武飛龍伊呂爲阿衡之任而孔子
布衣洙泗顏閔簞瓢陋巷論其人則不殊但是用
捨之不同耳譬此器用則一而時有廢興者也上
山也好勇過我無所取材

適用曰材好勇過我川故云無所取
裴駰史記集解
老者安之朋友信之少者懷之

敬長故見安善誘故可懷也

皇疏義疏

雍也第六

子見南子子路不悅夫子矢之曰予所否者天厭之天厭之

見南子者時不獲已猶文王之拘羑里也天厭之

者言我之否屈乃天命所厭也

邢昺疏 裴駰史記集解

述而第七

子謂顏淵曰用之則行舍之則藏唯我與爾有是夫用已而後行不假隱以自高不屈道以要名時人

無知其實者唯我與爾有是行

裴駰史記集解

子曰文莫吾猶人也

燕齊謂勉強爲文莫

楊慎升鉛總錄引樂華論語駁

子疾病子路請禱子曰有諸子路對曰有之誅曰禱爾於上下神祇子曰丘之禱久矣

案說者徒謂無過可謝故止子路之請不謂上下神祇非所宜禱也在禮天子祭天地諸侯祈山川入夫奉宗廟此禮祀典之常也然則禱爾於上下神祇乃天子禱天地之辭也子路以聖人動應天

命欲假禮祈福二靈孔子不許直言絕之也曰邱
禱久矣此豈其辭乎欲卒舊之辭也自知無過可
謝而云邱之禱久矣豈其辭乎在聖行無違凡庸
所知也子路豈誣夫子於神明哉以爲祈福自不
主以謝過爲名也若以行合神明無所禱請是聖
人無禱請之禮夫如是知禮典之言棄金縢之義
廢矣

同上

子罕第九

太宰問於子貢曰

至不多也

周禮百工之事皆聖人之作也明聖人兼材備藝
過人也是以太宰見其多能固疑夫子聖也子貢
曰固天縱之將聖又多能故承以謙也且抑排務
言不以多能爲君子也謂君子不當多能也明兼
材自然多能多能者非所學所以先道德後伎藝
耳非謂多能必不聖也據孔子聖人而多能斯伐
柯之近鑒也

同上

鄉黨第十

疾君視之東首加朝服拖紳

苞氏曰夫子疾也處南牖之下南牖下欲令南面

視之者也

同上

子路第十三

子曰如有王者必世而後仁

習亂俗雖畏法刑而外必猶未能化也必待世變

人改生習治道然後仁化成也刑措成康化隆文

景由亂民之世易殷秦之俗遠也

同上

冉子退朝子曰何晏也對曰有政子曰其事也如有

政雖不吾以吾其與聞之

按稱政事非有季路未有不知其名而能職其事者斯蓋微言以譏季氏專政之僻若以家臣無與政之理則二三子爲宰而問政者多矣未聞夫子有譏焉上同

季氏第十六

虎兇出於柙龜玉毀於櫝中

後虎家臣而外叛是出虎兇於柙也伐龜與於邦

內是毀龜玉於櫝中也上同

子張第十九

子夏之門人問交於子張 一章

聖人體備賢者或偏以偏師備學不能同也故準其所資而立業焉猶易三仁者見其仁智者見其智寬則得衆而遇濫偏則寡合而身孤明各出二子之偏性亦未能兼宏夫子度也

同上

論語虞氏讀注晉虞喜撰喜字仲寧餘姚人預之兄
晉書有傳冊府元龜云虞喜累徵博士不就說毛詩
略注孝經撰周官駁難又注論語讀九卷新書對張
論十卷隋書經籍志論語九卷鄭元注晉散騎常侍
虞喜讀又云梁有新書對張論十卷虞喜撰亡而唐
藝文志亦有虞喜贊鄭元論語注十卷陸德明經典
序錄不著讀注之名則二書先後並佚矣猶幸皇侃
義疏載其二節亟錄存之考鄭注子桑伯子爲秦大
夫王肅曰伯子書傳無見焉茲取說苑孔子見伯子

事隱規鄭失且以補子雍之缺也使得觀其全書當
必有蒐羅古今而折衷微妙者乃顧使高文典冊湮
而不傳能不使人慨惜哉歷城馬國翰竹吾甫

論語虞氏註

晉 虞喜 撰

雍也第六

仲弓問子桑伯子子曰可也簡仲弓曰居簡而行簡以臨其民不亦可乎居簡而行簡無乃太簡乎

說苑曰孔子見伯子伯子不衣冠而處弟子曰夫子何爲見此人乎曰其質美而無文繁吾欲說而文之孔子去子桑伯子門人不悅曰何爲見孔子乎曰其質美而文繁吾欲說而去其文故曰文質

修者謂之君子有質而無文謂之易野子桑伯子

易野欲同人道於牛馬故仲尼曰太簡無文繁吾

欲說而文之

皇侃
義疏

鄉黨第十

色斯舉矣翔而後集曰山梁雌雉時哉時哉子路供
之三嗅而作

色斯舉矣翔而後集此以人事喻於雉也雉之爲
物精傲難狎譬人在亂世去危就安富如雉也曰
山梁雌雉時哉時哉以此解上義也時者是也供

猶設也言子路見雉在山梁因設食物以張之雉
性明儼知其非常三嗅而作不食其供也正言雌
者記子路所見也

同上引
虞氏贊

論語庾氏釋晉庾翼撰翼字稚恭鄱陵人亮弟官至
大都督鎮武昌襄陽晉書有傳阮孝緒七錄有庾翼
論語釋一卷隋書經籍云梁有一卷亡皇侃義疏引
其釋子畏於匡一節文筆秀整大似論體豈其摘取
發揮似後世制義耶歷城馬國翰竹吾甫

論語庾氏釋

晉 庾翼 撰

先進

子畏於匡顏淵後子曰吾以汝爲死矣曰子在何何敢死

顏子未能盡窮理之妙妙有未盡則不可以涉險
津理有未窮則不可以冒屯路故賢不遭聖運否
則必隱聖不值賢微言不顯是以夫子因畏匡而
發問顏子體其旨而仰酬稱入室爲指南啓門徒

以出處豈聖賢之誠言互相與起予者也

皇侃
義疏

論語李氏集注二卷晉李充撰充字宏度江夏人官
著作郎晉書文苑有傳阮孝嗣七錄載充論語釋一
卷至隋已亡隋書經籍志別有論語十卷晉著作郎
李充注唐書藝文志陸德明經典釋文序錄並同鄭
樵通志藝文略有之而宋史藝文志不及載則全書
已佚樵僅據舊目錄之耳猶幸皇侃義疏引有五十
節正義釋文所引皆本皇疏又袁宏史記集解引一
節輯爲二卷服日循覽可以辨同異廣見聞考據之
家不無攸助云歷城馬國翰竹吾甫

論語李氏集注卷上

晉 李充 撰

學而第一

人不知而不愠

何注愠怒也君子忠恕誨人不倦何怒之有乎明
夫學者始於時習中於講肄終於教授者也皇侃
無友不如己者過則勿憚改

若友失其人改之爲貴也

同上

子曰不患人之不己知也患己不知人也

凡人之情多輕易於知人而怨人不知己故抑引

之教興乎此矣同上

爲政第二

六十而耳順

耳順者聽先王之法言則知先王之德行從帝之

則莫逆於心心與耳相從故曰耳順也同上

七十而從心所欲不踰矩

聖人微妙元通深不可識所以接世軌物者易也

不誘之以形器乎黜獨化之跡同盈虛之質勉夫

童蒙而志平學學十五載功可與立自志學迄於
從心善始令終貴不踰法示之易行而約之以禮
爲教之例其在茲矣同上

八份第三

子曰君子無所爭必也射乎揖讓而升下而飲其爭
也君子

君子謙卑以自收後已先人受勞辭逸未始非讓
何爭之有乎射藝競中以明能否而處心無措者
勝負若一由此觀之愈知君子之無爭也同上

子曰關雎樂而不淫哀而不傷

關雎之興樂得淑女以配君子憂在進賢不淫其
色是樂而不淫也哀窮寃思賢而無傷善之心是
哀而不傷也

同上

子聞之曰成事不說遂事不諫既往不咎

成事不說而哀樂成矣遂事不諫而哀謬遂矣既
往不咎而哀政往矣斯似責率我而實以廣道消
之慨盛德衰之歎言不咎者咎之深也

同上

子曰管仲之器小哉

齊桓隆霸王之業管仲成一匡之功免生民於左
衽豈小也哉然苟非大才者則有偏失好內極奢
桓公之病也管生方恢仁大勲宏振風義道近節
於當年期遠濟乎千載寧謗分以要治不潔亡以
求名所謂君子行道忘其爲身者也漏細行而全
令圖唯大德乃堪之季末奢淫愆違禮則聖人明
經常之訓塞奢侈之源不得不貶以爲小也

同上

里仁第四

好仁者無以尙之惡不仁者其爲仁矣不使不仁者

加乎其身

所好唯仁無物以尙之也不仁仁者之賊也奚不惡不仁哉惡其害仁也是以爲惜仁人之篤者不使不仁人加乎仁者之身然後仁道無適而不申不仁者無往而不屈也

子曰君子懷德小人懷土君子懷刑小人懷惠

凡言君子者德足以軌物義兼君人不唯獨善而已也言小人者向化從風博通下民不但反是之謂也故曰君子之德風小人之德草也此言君尊

之以德則民安其居而樂其俗鄰國相望而不相
與往來化之至也是以太王在岐下輦成都仁政
感民猛虎弗避鍾儀懷土而謂之君子然則民之
君子君之小人也斯言例也齊之以刑則民惠利
矣夫以刑制物者刑勝則民離以利望上者利極
則生叛也

同上

子曰父母之年不可不知也一則以喜一則以懼

孝子之事親也養則致其樂病則致其憂憂樂之
情深則喜懼之心篤然則獻樂以排憂進歡而去

戚者其唯知父母之年乎豈徒知年數而已哉貴
其能稱年而致養也是以唯孝子爲能達就養之
方盡將從之飾年盛則常怡年衰則消息喜於康
豫懼於失和孝子之道備也上同

子曰古者言之不出恥躬之不逮也

夫輕諾者必寡信多易者必多難是以古人難之

也

上同

公冶長第五

子張問曰令尹子文三仕爲令尹無喜色三已之無

慍色荷令尹之政必以告新令尹何如也子曰忠矣
曰仁矣乎曰未知焉得仁

進無喜色退無怨色公家之事知無不爲忠臣之
至也子玉之敗子文之舉舉以敗國不可謂智也
賊夫人之子不可謂仁

上同

崔子弑齊君陳文子有馬十乘棄而違之至於他邦
則曰猶吾大夫崔子也違之之一邦則又曰猶吾大
夫崔子也違之何如子曰清矣曰仁矣乎曰未知焉
得仁

違亂求始不汙其身清矣而所之無可驟利其飢
不如甯子之能默遵生之可卷未可謂智也潔身
而不濟世未可謂仁也上

顏淵曰願無伐善無施勞

自伐者無功自矜者不莊

同上

雍也第六

子曰人之生也直罔之生也幸而免

人生之道唯其身直乎失生平之道者則動之死
地矣必或免之蓋由於幸耳故君子無幸而有不

幸小人有幸而無不幸也上同

子曰知之者不如好之者好之者不如樂之者

雖知學之爲益或有計而後知學利在其中故不

如好之者篤也好有盛衰不如樂之者深也上同

宰我問曰仁者雖告之曰非有仁者焉其從之與子

曰何爲其然也君子可逝也不可陷也可欺也不可

罔也

欲極言仁設云救井爲仁便當從不耶故夫子答

曰何爲其然也言何至如此是君子之人若於道

理宜爾身猶可亡故云可逝逝往也若理有不可
不宜陷於不知故云不可誣罔令投下也君子不
逆詐故不以罔昧欺大德居正故不可以非道罔

也

同上

子見南子子路不說夫子矢之曰予所否者天厭之
天厭之

男女之別國之大節聖人明義教正內外者也而
乃廢常違禮見淫亂之婦人者必以權道有由而
然子路不悅固其宜也夫道消運否則聖人亦否

故曰予所否者天厭之天厭之厭亦否也明聖人與天地同其否泰耳豈區區自明於予路而已

皇侃

義疏否備鄙反

陸德明釋文

述而第七

子曰默而識之學而不厭誨人不倦何有於我哉

言人若有此三行者復何有貴於我乎斯勸學敦

誨誘之辭也

皇侃義疏

子曰甚矣吾衰也久矣吾不復夢見周公

聖人無想何夢之有蓋傷周德之日衰衰道教之

不行故寄慨於不夢發歎於鳳鳥也

同上

葉公問孔子於子路子路不對子曰汝奚不曰其爲人也發憤忘食樂以忘憂不知老之將至也云爾

凡觀諸問聖師於弟子者豁道也則稱而近之誣德也必揚而抑之未有默然而不答者也疑葉公問之欲致之爲政子路知夫子之不可屈故未詳其說耳夫子乃抗論儒業大明其志使如此之徒絕望於覬覦不亦宏而廣乎

同上

子不語怪力亂神

力不由理斯怪力也神不由正斯亂神也怪力亂
神有與於邪無益於教故不言也皇侃義疏○邪
於邪無
與於教

予以四教文行忠信

其典籍辭義謂之文孝悌恭睦謂之行爲人臣則
忠與朋友則信此四者教之所先也故以文發其
蒙行以積其德忠以立其節信以全其終也皇侃
義疏
○陸德明釋文引李云忠
臣事君忠也信與朋友交

泰伯第八

曾子言曰鳥之將死其鳴也哀人之將死其言也善
人之所以貴於禽獸者以其慎終始在困不撓也
禽獸之將死不遑擇音唯吐窘急之聲人若將死
而不思令終之言唯哀懼而已者何以別於禽獸
乎是以君子之將終也必正存道不忘格言臨死
易箴困不違禮辨禮三德大加明訓斯可謂善言
也或問曰不直云曾子而云言曰何也答曰欲重
曾子臨終言善之可錄故特云言也

皇侃義疏

子曰學如不及猶恐失之

學有交勞而無交利自非天然好樂者則易爲懈
矣故如懼不及猶恐失之況可怠乎

同上

子曰禹吾無閒然矣非飲食而致孝乎鬼神惡衣服
而致美乎黻黼卑宮室而盡力乎清血禹吾無閒然
矣

夫聖德純粹無往不備故堯有則天之號舜稱無
爲而治又曰巍巍乎舜禹之有天下也而弗與焉
斯則美聖之極名窮理之高詠矣至於此章方復
以事跡歎禹者而豈徒哉蓋以季主僻王肆情縱

欲窮奢極侈麗厚珍膳而簡僞乎享祀盛織靡而
闕慢乎祭服崇臺榭而不恤乎農政是以亡國喪
身莫不由乎此矣於有國有家者觀夫禹之所以
興也覽三季之所以亡可不慎與同上

子罕第九

子曰吾有知乎哉無知也有鄙夫來問於我空空如
也我叩其兩端而竭焉

日月照臨不爲愚智易光聖人善誘不爲賢鄙異
教雖復鄙夫寡識而率其疑誠諮疑於聖必示之

以善惡之兩端已竭心以誦之也上阿

鄉黨第十

食饅而餒

皆飲食壞敗之名也上阿

論語李氏集注卷下

晉 李充 撰

先進第十一

子畏於匡顏淵後子曰吾以汝爲死矣曰子在回何
敢死

聖無慮慮之悔賢無失理之患而斯言何興乎將
以世道交喪利義相蒙或殉名以輕死或昧利以
苟生苟生非存理輕死非明節故發顏子之死對
以定死生之命也

皇侃
義疏

四十五卷
夫子喟然歎曰吾與點也

善其能樂道知時逍遙游詠之至也夫人各有能
性各有尙鮮能舍其所長而爲其所短彼三子者
之云誠可各言其志矣然此諸賢旣以漸染風流
淪服道化親仰聖師誨之無倦先生之門豈執政
之所先乎嗚呼遠不能一忘鄙願而暫同於雅好
哉諒知情從中來不可假已唯曾生超然獨對揚
德音起予風儀其辭清而遠其指高而適雍雍乎
固聖德之所同也三子之談於茲陋矣上

顏淵第十二

自古皆有死民不信不立

朝聞道夕死孔子之所貴捨生取義孟軻之所尚
自古有不亡之道而無有不死之人故有殺身非
喪己苟存非不亡己也上同

季康子問政於孔子孔子對曰政者正也子帥而正
孰敢不正

我好靜而民自正也上同

季康子患盜問於孔子孔子對曰苟子之不欲雖賞

之不竊

我無欲而民自樸者也

子路第十三

樊遲請學稼子曰吾不如老農請學爲圃子曰吾不如老圃樊遲出子曰小人哉樊遲也上好禮則民莫敢不敬上好義則民莫敢不服上好信則民莫敢不用情夫如是則四方之民襁負其子而至矣焉用稼用情猶盡忠也行禮不求敬而民自敬好義不以服民而民自服施信不以結心而民自盡信言

民之行上猶影之隨形也負子以器言化之所感
不召而自來余謂樊遲雖非入室之流然亦從
遊侍側對揚崇德辨惑之義且聖教殷勤唯學爲
先故言君子謀道不謀食又曰耕也餒在其中矣
學也祿在其中矣而遲親京明誨乃諮國稼何頑
固之甚哉縱使欲舍學營生猶足知非聖師之謀
矣將恐三千之徒雖同學聖門而未能皆忘榮祿
道教之益奢情之患切簞食不改其樂者唯顏回
堪之耳遲之斯問將必有由亦如宰我問喪之謂

也

子貢問曰何如斯可謂之士矣子曰行己有恥使於四方不辱君命可謂士矣

居正情者當遲退必無者其唯有恥乎是以當其
宜行則恥己之不及及其宜止則恥己之不免爲
人臣則恥其君不如堯舜處濁世則恥獨不爲君
子將出言則恥躬之不逮是故孔子稱邱明亦貴
其同恥義備孝悌之先者也古之良使者受命不
受辭事有權宜則與時消息排患釋難解紛控銳

者可謂良也

曰敢問其次曰言必信行必果硜硜然小人哉抑亦可以爲次矣

言可覆而行必成雖爲小器取其能有所立

憲問第十四

子曰有德者必有言有言者不必有德仁者必有勇勇者不必有仁

甘辭利口似是而非者佞巧之言也敷陳成敗合連縱橫者說客之言也凌誇之談多方論者辨士

論語李氏集注卷下

四十五卷四十八

之言也德音高合發爲明訓聲滿天下若出金石
有德之言也故有德必有言有言不必有德也陸
行而不避虎兕者獵夫之勇也水行不避蛟龍者
漁父之勇也鋒刃交於前視死若生者烈士之勇
也知窮之有命知通之有時順大難而不懼者仁
者之勇也故仁者必有勇勇者不必有仁

子曰愛之能勿勞乎忠焉能勿誨乎

愛志不能不勞心盡忠不能不教誨

子曰不逆詐不億不信抑亦先覺者是賢乎

物有似真而偽似偽而真者信僭則懼及僞人詐
濫則懼及真人寧信詐則爲教之道宏也人而無
信不知其可也然閑邪存誠不在善察若見失信
於前必億其無信於後則容長之風虧而改過之
路塞矣億音憶夫至覺忘覺不爲覺以求先覺先
覺雖覺同逆詐之不覺也上

衛靈公第十五

子曰不曰如之何如之何者吾末如之何也已矣
謀之於其未兆治之於其未亂何當至於臨難而

方曰如之何也上

子曰君子不以言舉人不以人廢言

詢于蓍蕘不恥下問也上

子曰智及之仁不能守之雖得之必失之智及之仁能守之不莊以涖之則民不敬智及之仁能守之莊以涖之動之不以禮未善也

夫智及以得其失也蕩仁守以靜其失也寬莊涖以威其失也猛故必須禮然後和之以禮制智則精而不蕩以禮輔仁則溫而不寬以禮御莊則威

而不猛故安上治民莫善於禮也邢昺疏○皇侃義疏

季氏第十六

色思溫貌思恭

靜容謂之色柔暢謂之溫也動容謂之貌謙接謂

之恭也皇侃義疏

陽貨第十七

古之矜也廉今之矜也忿戾

務厲其行向廉潔也矜善上人物所以不與則反
之者至矣故怒以戾與忿激也同上

孺悲欲見孔子孔子辭之以疾將命者出戶取瑟而歌使之聞之

孔子曰人潔己以進與其潔不保其往所以不逆乎互鄉也今不見孺悲者何明非崇道歸聖發其蒙矣苟不崇道必有舛寫之心則非教之所崇言之所喻將欲化之未若不見也聖人不顯物短使無日新之塗故辭之以疾猶未足以誘之故絃歌以表旨使抑之而不彰挫之而不絕則矜鄙之心頽而思善之路長也

宰我問三年之喪期已久矣

子之於親終身莫已而今不過三年者示民有終也而予也何愛三年而云久乎余謂孔子目四科則宰我冠言語之先安有知言之人而發違情犯禮之問乎將以喪禮漸衰孝道彌薄故起斯問以發其責則所益者宏多也

子路曰君子尚勇乎子曰君子義以爲上君子有勇而無義爲亂小人有勇而無義爲盜

旣稱君子又謂職爲亂階也若遇君親失道國家

論語李氏集注

卷下

加錄解補校
四十五卷五十二

昏亂其於赴患致命而不知居正顧義者亦畏陷
乎爲亂而受不義之責也

皇侃義疏○裴駰史記集解引作不爲亂階也

微子第十八

直道而事人焉往而不三黜

舉世喪亂不容正直以國觀國何往不黜也

皇侃義疏

子張第十九

子夏曰君子有三變望之嚴然卽之也溫聽其言也

厲

厲清正之謂也君子敬以直內義以方外辭正體

直而德容自然發人謂之變耳君子無變也上

論語范氏注一卷晉范甯撰甯有尚書集解春秋穀
梁傳集解已各著錄此注隋唐志皆不載卷數未詳
陸德明經典釋文引止二則考江熙集解前語十三
家有范甯熙書亦佚梁皇侃作義疏時及見之故亟
引范說又裴駰史記集解亦間稱引茲並採錄共得
四十八節合爲一卷比解經間與舊注不同如說盡
殺云託弊迹以爲發起說三讓兼用兩釋以實所讓
之事而云詭道合權隱而不彰說席不正不坐引禮
諸侯三重大夫再重而云各有其正也不苟隨俗能

發前人所未發其他訓詁亦具有典則蓋武子一代
經師迥異清談之士得茲編與書解存之雖非完帙
可與穀梁之注想見其根柢焉歷隋志論語別義十
卷范廣撰或是范甯之誤晁公武讀書後志云歷城
馬國翰竹吾甫

論語范氏注

晉 范甯 撰

學而第一

貧而無諂

不以正道求人爲諂也

皇侃義疏

子曰可也未若貧而樂富而好禮者也

孔子以爲不驕不諂於道雖可未及臧也

同上

子貢曰詩云如切如磋如琢如磨其斯之謂與也

子貢欲躬行二者故請問也切磋琢磨所以成器

訓誘學徒義同平茲子貢富而猶慙仲尼欲戒以
禮中子貢知心厲已故引詩以爲喻也

同上

爲政第三

言寡尤行寡悔祿在其中矣

發言少過履行少悔雖不以要祿乃致祿之道也
仲尼何以不使都無尤悔而言寡尤悔乎有顏淵
猶不二過蘧伯玉亦未能寡其過自非聖人何能
無之子張若能寡尤悔便爲得祿者也

同上

哀公問曰何爲則民服孔子對曰舉直錯諸枉則民

服舉任錯諸直則民不服

哀公拾賢任佞故仲尼發乎此言欲使舉賢以服

民也

同上

或謂孔子曰子奚不爲政子曰書云孝乎惟孝友于兄弟施於有政是以爲政奚其爲爲政

夫所謂政者以孝友爲政耳行孝友則是爲政復何者爲政乎引周書所以明政也或人貴官位而不存孝道故孔子言於此也

同上

入脩第三

君子無所爭必也射乎

射無爭

同上

里仁第四

子曰我未見好仁者惡不仁者

世衰道喪人無廉耻見仁者既不好之見不仁者亦不惡之好仁惡不仁我未覩其人也

同上

子曰君子之於天下也無適也無莫也義之於比

適莫猶厚薄也比親也君子與人無有偏頗厚薄

唯仁義是親也

皇侃義疏○陸德明
經典釋文引首句

子曰君子喻於義小人喻於利

棄貨利而曉仁義則爲君子曉貨利而棄仁義則

爲小人也

同上

見不賢而內自省也

顧探諸已謂之內省也

同上

公治長第五

子謂公治長可妻也雖在裸繼之中非其罪也以其

子妻之

公治長名芝字子長也

皇侃義疏○陸氏釋文司馬貞史記索隱引云公長

長字子芝公治行正獲罪罪非其罪孔子以女妻之將

以大明衰世用刑之枉濫勸將來實守正之人也

義疏

子使漆彫開仕對曰吾斯之未能信子說

開知其學未習究治道以此爲政不能使民信已

孔子說其志道之深不汲汲於榮祿也

皇侃義疏

孟武伯問子路仁乎子曰不知也又問子曰由也千

乘之國可使治其賦也不知其仁也

仁道宏遠仲由未能有之又不能指言無仁非獎

夫宰予者升堂四科之流也豈不免乎晝寢之咎
以貽朽糞之譏乎時無師徒共明勸誘之教故託
夫弊跡以爲發起也

同上

令尹子文

子文是諡也

同上

匿怨而友其人左丘明耻之丘亦耻之

藏怨於心詐親於形外揚子法言曰友而不心即

友也亦丘明之所耻

同上

雍也第六

子謂仲弓曰

謂非必對言也

同上

子曰不有祝鮀之佞而有宋朔之美難乎免於今之世矣

祝鮀以佞諂被寵於靈公宋朔以美色見愛於南子無道之世並以取容孔子惡時民濁亂唯佞色是尙忠正之人不容其身故發難乎之談將以激亂俗亦欲發明君子全身遠害也

同上

子曰誰能出不由戶何莫由斯道也

人咸知出戶行莫知由學而成也

同上

仁者先難而後獲可謂仁矣

艱難之事則爲物先獲功之事而處物後則爲仁

矣

同上

述而第七

子於是日也哭則不歌

是日卽弔赴之日也禮歌哭不同日也故哭則不

歌也

同上

子在齊聞韶三月不知肉味曰不圖爲樂之至於斯

也

夫韶乃大舜盡善之樂齊諸侯也何得有之乎曰
陳舜之後也樂在陳陳敬仲竊以奔齊故得循之
也

同上

泰伯第八

子曰泰伯其可謂至德也已矣

泰重大之稱也伯長也泰伯周太王之元子故號
泰伯其德芳遠故曰至也

皇侃義疏云裴駟史記集解引云伯者長也周

太王之元子
故曰泰伯

三以天下讓民無德而稱焉

有二釋一曰泰伯少弟季歷生子文王昌昌有聖德泰伯知其必有天下故欲令傳國於季歷以及文王因太王病託採藥於吳越不反太王薨而季歷立一讓也季歷薨而文王立二讓也文王薨而武王立於此遂有天下是爲三讓也又一云太王病而託採藥出生不事之以禮一讓也太王薨而不反使季歷主喪死不葬之以禮二讓也斷髮文身示不可用使季歷主祭禮不祭之以禮三讓也

皇侃詭道合權隱而不彰故民無得而稱乃大德

也同上

子罕第九

過之必超

超就之也同上

子曰主忠信無友不如己者過則勿憚改

聖人應於物作教一事時或再言弟子重師之訓

故又書而存焉同上

鄉黨第十

齊必變食居必遷坐

齊以敬潔爲主以期神明之享故改常之食遷居

齊室也

上月

席不正不坐

正席所以恭敬也或云如禮所言諸侯之席三

大夫再重是各有其正者也

上月

先進第十一

德行顏淵閔子騫冉伯牛仲弓言語宰我子貢政事

冉有季路文學子游子夏

德行百行之美也四子俱雖在德行之目而顏子
爲其冠言語謂賓主相對之辭也政事謂治國之
政也文學謂善先王典文

同上

顏淵死門人欲厚葬之子曰不可門人厚葬之子曰
回也視予猶父也予不得視猶子也非我也夫二三
子也

厚葬非禮故不許也門人欲厚葬何也緣回父有
厚葬之意故欲遂門人之深情也言回雖以父視
我我不得以子遇回雖曰師徒義輕天屬今父欲

厚葬豈得制止言原葬非我之教出乎門人之意耳此以扣門人而救世弊也

同上

顏淵第十二

顏淵問仁子曰克己復禮爲仁一日克己復禮天下歸仁焉爲仁由己而由人乎哉

克責也復禮謂責克己失禮也非仁者則不能責己復禮故能自責己復禮則爲仁矣亂世之主不能一日克己故言一日也爲仁由己而由人乎哉

言爲仁在我豈俟彼爲仁耶

同上

出門如見大賓使民如承大祭

大賓君臣嘉會也大祭國祭也仁者舉動使民事

如此也傳稱曰季言出門如賓承事如祭仁之則

也

同上

先事後得非崇德與

物莫不避勞而處逸今以勞事爲先得事爲後所

以崇德也

同上

子路第十三

曰焉知賢才而舉之日舉爾所知爾所不知人豈舍

諸

仲弓亦非不欲舉才識昧不知人也孔子以所知者則舉之爾不知者他人自舉之各舉所知則賢才豈棄乎

同上

子曰其身正不而行其身不正雖令不從

上能正己以率物則下不令而自從也上行理僻制下使正猶立邪表責直影猶東行求郢而北終年不得也

同上

口既富矣又何加焉曰教之

衣食足當訓義方也

同上

冉子退朝子曰何晏也

冉求早朝晚退故孔子疑而問之也

同上

父爲子隱子爲父隱直在其中矣

夫所謂直者以不失其道也若父子不相隱諱則

傷教破義長不孝之風焉以爲直哉故相隱乃可

謂直耳今王法則許期親以上得相爲隱不問其

罪蓋合先王之典章

同上

憲問第十四

公綽之不欲

不欲不營財利也

同上

季氏第十六

陳亢退而喜曰問一得三聞詩聞禮又聞君子之遠其子也

孟子曰君子之不教子何也勢不行也教者必以正以正不行繼之以忿繼之以忿則反夷矣父子

相夷惡也

同上

陽貨第十七

子曰性相近也習相遠也

人生而靜天之性也感於物而動性之欲也斯相近也習洙泗之教爲君子習中商之術爲小人斯相遠也

同上

微子第十八

長沮桀溺耦而耕孔子過之使子路問津焉

欲顯之故使問也

皇侃義疏引范升○案後漢書儒林傳有范升習梁邱易左氏

春秋傳不聞注論語升蓋甯字之誤用著於此備參攷焉